

# Perla e Paçmueshme

JU LUTEMI VINI RE!

Vizualet për këtë seri mund të blihen në pjesën më të madhe të zyrave të BUF-it dhe në dyqanet në internet. Për një listë të zyrave të BUF-it dhe dyqaneve në internet në Evropë, ju lutemi vizitoni [www.teachkids.eu/al](http://www.teachkids.eu/al) dhe kliko mbi “Vendet”.



Copyright © 2003, 2005 Child Evangelism Fellowship® of Germany

Të gjitha të drejtat e rezervuara. Përdorur me leje.

Mund të riprodhohet vetëm për përdorim personal, shërbese, jofitimprurës ose jo-komercial. Vizitoni [www.teachkids.eu/al](http://www.teachkids.eu/al) për më shumë detaje mbi lejen e përdorimit.



**BUFESH**

BASHKËSIA E UNGJILLIZIMIT  
TË FËMIJËVE E SHQIPËRISË®

**Bashkësia e Ungjillëzimit të Fëmijëve**  
**Kutia Postare 249**  
**Durrës**  
**Tel. 052-33975**  
**Albania**

European CEF Centre  
Kilchzimmer  
**CH-4438 Langenbruck**  
Switzerland

*Published by: Kinder-Evangelisations-Bewegung in Deutschland e.V.*

Am Eichelsberg 3- 35236 Breidenbach/Wolzhaus

Internet :[www.keb-de.org](http://www.keb-de.org)

Copyright © 2003 by KEB

Copyright © original text Mrs. H.F. Nofer, USA

Adapted by Lizanne Dumigan

Artwork: Susanne Malessa, Germany.

Perkthye: Leonard Doka

E drejta © 2005 Bashkësia e Ungjillëzimit të Fëmijëve

Child Evangelism Fellowship of Albania

### **Si ta përdorim këtë libër**

I dashur punëtor i fëmijëve.  
Teksti i këtij libri me figura është projektuar në një mënyrë të tillë që ju mund ta shikoni atë ndërsa fëmijët shohin figurat.

Paçit shumë gëzim kur ta tregoni këtë histori tërheqëse!  
Tuajët në Krisht  
Bashkësia e Ungjillëzimit të Fëmijëve

### **Figura 1**

Një llokoçitje e madhe u pasua nga valëzime që rriteshin dhe pastaj uji nën anije u qetësua. Misionari Devid Mors ia nguli sytë vendit ku një rrëke flluskash të vogla dolën në sipërfaqe nga thellësia nënujore. Disa çaste më vonë, një kokë e zezë u shfaq dhe dy sy të ndritshëm vështruan lart. Pastaj zhytësi i vjetër indian i perlave po ngjitej në anije, buzagaz dhe duke shkundur ujin nga trupi i tij që shkëlqente nga vaji.

### **Figura 2**

“Zhytja më e bukur që kam parë, Rambau”. thirri David Mors i mahnitur. “Shikoje këtë, Sahib,” tha Rambau, duke mbajtur midis dhëmbëve një perlë të madhe. “Unë mendoj se do të jetë e mrekullueshme.”

Morsi e mori atë dhe ndërsa po e hapte me thikën e tij të xhepit, Rambau filloi të nxirrte nga përparsja e tij të tjera perla më të vogla.

### **Figura 3**

“Shiko, Rambau,” thirri Mors, “është një thesar i vërtetë.” “Po, është një perlë e mirë,” tha i mahnitur zhytësi ndërsa sytë e tij të regjur e shikonin atë. “E mirë? A ke parë ndonjë perlë më të mirë se kjo? Është e përsosur, apo jo?” Mors e vështroi perlën e madhe nga të gjitha anët dhe pastaj ia dha indianit. “Oh, po, ka në fakt perla më të mira, shumë më të mira dhe unë kam vetë një të tillë...” Zëri i tij u pre në mes dhe ai dukej se po mendonte për diçka. “Shikoji këtu të metat, ja kjo njollëz e zezë këtu dhe ja kjo gropa atje. Edhe nga forma është pak drejtkëndëshe, por e mirë në përgjithësi si perlë.”

“Ke sy shumë të mprehtë, mik,” tha me ankesë Morsi. “Unë nuk do të kërkoja kurrë për një perlë më të përkryer.”

“Është sikur ti i thua Perëndisë tënd. Përballë vetes njerëzit duken të përkryer, por Perëndia i sheh ata ashtu si janë në të vërtetë.”

### **Figura 4**

Tashmë të dy burrat kishin arritur te bregu dhe filluan të zbrisnin rrugën e pluhurosur për në qytet. “Ti ke të drejtë Rambau, dhe Perëndia ua ofron drejtësinë e Krishtit të gjithë atyre që thjesht do të besojnë dhe do të pranojnë ofrimin e Tij të lirë të shpëtimit. A nuk e sheh këtë, miku im?”

“Jo, Sahib, siç të kam thënë shumë herë më parë, kjo është shumë e lehtë. Këtu feja jote nuk shkon dhe unë nuk mund ta pranoj këtë. Ndoshta unë jam shumë krenar dhe duhet të punoj për vendin tim në qiell, se përndryshe do ta kem punën keq.”

“Oh, Rambau.” Përtej fjalëve të misionarit ishin vite lutjeje për këtë person. “A nuk e kupton se ti nuk do të arrish kurrë në qiell në këtë mënyrë. Ka vetëm një rrugë për në qiell dhe Rambau, tani ti po plakesh dhe ndoshta kjo është stina e fundit që ti po kërkon për perla. Nëse ti dëshiron që të shohësh portat qiellore prej perlash, duhet ta pranosh dhuratën që Perëndia të ofron në Birin e Tij.”

“Stina ime e fundit, po, ti ke të drejtë, sepse sot në fakt, ishte dita ime e fundit e zhytjeve. . Ky është muaji i fundit i vitit, dhe unë duhet të përgatitem.”

## Figura 5

“A e sheh atë burrin atje? Ai është një shtegtar që ndoshta është duke shkuar në Bombej ose Kalkuta. Ai ecën zbathur dhe zgjedh gurët më të mprehtë për të shkelur, dhe shiko, çdo disa metra, ai përgjunjet dhe puth rrugën. Kjo është e mirë. Ditën e parë të vitit të ri edhe unë do të nis shtegtimin tim. Unë kam bërë plane për këtë gjatë gjithë jetës sime, kështu që do të mundohem që ta fitoj patjetër hyrjen time për në qiell këtë herë. Do të shkoj në Deli duke ecur më gjunjë.”

“Hej, ti je i çmendur. Është katërqind kilometra për në Deli. Lëkura në gjunjët e tu do të plasat dhe do të kesh helmim gjaku ose lebër para se të arrish në Bombej.” “Jo, unë duhet të shkoj në Deli, dhe atëherë të pavdekshmit do të më shpërblejnë. Vuajtjet do të jenë të ëmbla, sepse do të sigurojnë parajsën për mua.”

“Rambau, miku im, nuk mundesh dot. Si mund të të lë ta bësh këtë kur Jezus Krishti ka vdekur që të sigurojë parajsën për ty.”

Por Rambau nuk donte t’ia dinte.

“Ti je miku im më i mirë në këtë botë, Sahib Mors. Gjatë gjithë këtyre viteve ti më ke qëndruar pranë. Në sëmundje dhe vështirësi ti ke qenë miku im më i mirë. Por edhe ti nuk mund të më ndalosh nga kjo dëshirë për të fituar lumturinë e përjetshme. Unë duhet të shkoj në Deli.”

Ishte e kotë. Kërkuesi i vjetër i perlave nuk mund ta kuptonte e as ta pranonte shpëtimin falas të Krishtit.

Një pasdite kur Morsi dëgjoi të trokitura dhe hapi derën u habit tek pa Rambaun para tij. “Miku im i mirë,” thirri Morsi, “Hyr brenda.” “Jo,” tha kërkuesi i perlave, “Unë dua që të vish për pak kohë në shtëpinë time se kam diçka për të të treguar. Të lutem mos më thuaj jo.” Zemra e misionarit brofi nga gëzimi. Ndoshta Perëndia po u përgjigjej lutjeve të tij më në fund për këtë burrë. “Natyrisht që do të vij,” tha ai dhe shkoi me Rambaun në shtëpinë e tij.

“Unë do të largohem për në Deli si nesër një javë,” tha Rambau. Tani zemra e misionarit u dëshpërua. Kjo do të ishte mundësia e fundit për t’i shpjeguar kërkuesit të perlave rrugën e

Perëndisë për në parajsë. Rambau u largua nga dhoma dhe u kthye me një kuti të fortë dhe të rëndë.

## Figura 6

“Unë e kam mbajtur këtë kuti për vite të tëra,” tha ai. “Dhe unë mbaj vetëm një gjë në të dhe tani do të ta tregoj, Sahib Morse. Unë kam pasur një herë një djalë.” :Një djalë! Po pse, Rambau, ti nuk ke thënë asnjë fjalë për të.” “Jo, nuk mundja.” Duke folur, sytë e kërkuesit të perlave u njomën me lot.

“Tani duhet të ta tregoj se shumë shpejt do të nisem dhe kush e di nëse do të kthehem. Edhe djali im ka qenë një kërkues perlash dhe madje kërkuesi më i mirë në gjithë bregdetin Indian. Ai kishte zhytjen më të shpejtë, sytë më të mprehtë, krahët më të fuqishëm, dhe mund ta mbante frymën e tij më gjatë se çdo kërkues tjetër i perlave. Çfarë gëzimi më sillte ai. Ai gjithnjë ëndërronte për të gjetur perlën e përsosur. Një ditë ai e gjeti atë, por ndërsa po e nxirrte atë në sipërfaqe, atij i ngeci këmba në shkëmbin e nënujshëm të koraleve dhe u detyrua të qëndronte nën ujë për shumë kohë. Jo shumë kohë pas kësaj ai vdiq.” Kërkuesi i regjur i perlave e uli kokën për një çast. I tërë trupi tundej por asnjë zë nuk dëgjohej.

“Për gjithë këto vite unë e kam mbajtur perlën,” vazhdoi ai, “por tani unë do të largohem për të mos u kthyer më kurrë dhe dua të ta jap perlën ty, që je miku im më i mirë.” Ai mori një perlë me përmasa shumë të mëdha nga kutia dhe ia vuri në dorë misionarit. Ajo ishte perla më e madhe që ishte gjetur ndonjëherë në brigjet e Indisë, dhe ndriste me një lustër dhe shkëlqim që nuk ishte parë kurrë në perlat artificiale. Do të ishte shitur për një shumë përrallore në çdo treg. Për një çast, misionari mbeti pa folur dhe e vështronte i mahnitur perlën. “Çfarë perle, Rambau!” “Kjo perlë, Sahib, është e përsosur,” tha Rambau.

Misionari ngriti sytë menjëherë, ndërsa një ide e re i erdhi në mendje.

### Figura 7

“Rambau, kjo është një perlë e mrekullueshme, madje mahnitëse. Më lër të ta blej. Unë do të të jap pesëmbëdhjetë mijë rupje për të, ose nëse duhen më shumë, do të punoj për ta nxjerrë atë që duhet.” “Jo. Sahib,” tha Rambau, duke tendosur trupin, “kjo perlë nuk ka asnjë çmim. Asnjëri në gjithë botën nuk ka aq para sa për të paguar vlerën që ka për mua kjo perlë. As një milion dollarë, nuk mund ta blejnë në treg atë perlë e unë nuk mund të ta shes, por mund ta kesh vetëm si dhuratë.”

“Jo, Rambau” tha David Morse “Unë nuk mund ta pranoj këtë. Megjithëse e dua shumë këtë perlë, unë nuk mund ta pranoj në këtë mënyrë. Ndoshta jam shumë krenar, por kështu më duket se e marr shumë lehtë dhe duhet të paguaj ose të punoj për ta fituar atë.”

Zhytësi i vjetër i perlave u habit dhe tha “Ti nuk kupton asgjë, Sahib. Nuk e kupton se biri im i vetëm e dha jetën për ta fituar këtë perlë dhe unë nuk mund ta shes për asnjë çmim, por mund të ta jap ty falas, si një shenjë të dashurisë sime për ty.”

Misionari u prek thellësisht dhe për një çast nuk mund të fliste. Pastaj, ai kapi dorën e plakut. “Rambau, a nuk e kupton? Kjo është çfarë ke qenë duke i thënë Perëndisë, i Cili po të ofron shpëtimin si një dhuratë, falas. Ai është aq i madh dhe i çmueshëm, sa që asnjë njeri nuk mund ta blejë e ta fitojë atë, sepse asnjëri nuk është aq i mirë, sa të mund ta meritojë atë. Perëndisë I kushtoi gjakun e Birit të Tij të vetëm, që ti të mund të hysh në qiell.

Zhytësi e vështroi me ngulm misionarin për një pak nga pak, iu bë e qartë se “Perëndia e ofron shpëtimin si një dhuratë.”

### Figura 8

“Edhe njëqind pelegrinazhe nuk mund të të hapin rrugën për në qiell. Çfarë duhet të bësh është vetëm që ta pranosh atë si një shenjë të dashurisë së Zotit për ty, që je një mëkatar.

Perëndia e ofron shpëtimin si një dhuratë.

Shpëtimi është aq i madh dhe i çmuar, sa që askush në tokë nuk mund ta blejë atë.

*(Tregoni me gisht figurën lart në të majtë.)*

Një milion rupje nuk mjaftojnë. Askush në tokë nuk mund ta fitojë atë.

*(Trego me gisht figurën e djathtë.)* Një milion vite ose qindra pelegrinazhe nuk mund të ta hapin rrugën për në parajsë.

Askush nuk është i mirë në vetvete.

*(Tregoni me gisht figurën poshtë në të majtë.)*

U desh të derdhej gjaku i Birit të Tij, që ju të hynit në parajsë.

*(Trego me gisht nga kryqi.)*

Ti vetëm sa duhet ta pranosh shpëtimin si një shenjë të dashurisë së Perëndisë për ty, që je një mëkatar, si një dhuratë falas. *(Tregoni me gisht figurën poshtë në të djathtë.)*

Rambau, sigurisht që unë do ta pranoj perlën me një zemër mirënjohëse dhe do t'i kërkoj Perëndisë që të më bëjë të denjë për dashurinë tënde. A do ta pranosh përlësisht parajsën, si dhuratë nga Perëndia, duke e ditur se Atij i ka kushtuar Atij me vdekjen e Birit të Tij, që të ta ofrojë atë.”

## Figura 9

Më në fund Rambau e kuptoi. “Unë kam dëgjuar shumë nga mësimet e Jezusit, por nuk mund ta kohë të gjatë, dhe besoja se shpëtimi i Tij është falas. Disa gjëra janë shumë të çmuara për t’i blerë ose fituar. Tani unë e pranoj dhuratën e shpëtimit.”

A e ke pranuar dhuratën e Perëndisë? Nëse jo, a dëshiron ta bësh tani? Ti nuk mund të jesh kurrë një person aq i mirë ose të kesh aq para sa të fitosh shpëtimin. A dëshiron ta pranosh dhuratën e shpëtimit nga Perëndia, nëpërmjet Birit të Tij, Zotit Jezus?

## Si të drejtosh një fëmijë te Krishti

Udhëzime për të këshilluar një fëmijë  
**Sigurohu që fëmija të dijë rreth:**

**Perëndisë:** Kush është Perëndia? Perëndia na ka krijuar. Ai na flet përmes Biblës. Perëndia është i shenjtë dhe i pastër. Ai na do ne.

**Mëkati:** Ç’është mëkati? Mëkati është mosbindje ndaj urdhërimeve të Perëndisë. Është kundër Perëndisë. Flisni rreth mëkateve specifike. Fëmija është një mëkatar nga natyra dhe veprimi. (Ne mëkatojmë sepse jemi mëkatarë.) Mëkati meriton ndëshkim.

**Shpëtimtari:** Kush ishte i vetmi që mund ta largonte mëkatin tënd? Perëndia Biri vdiq në kryq për mëkatarët. Zoti Jezus u ringjall nga të vdekurit. Ai është Zoti i gjithçkaje.

### Shpjegoni se si të shpëtoheni

- Shpjegoni çfarë Zoti dëshiron që ne të bëjmë, dhe çfarë Ai do të bëjë.
- Përdorni një varg Biblik (Gjoni 1:12; 3:16; 6:37; Veprat 16:31; Romakëve 6:23 ose 10:13).
- Çfarë dëshiron Zoti që ju të bëni?
- Çfarë do të bëjë Zoti?
- Paralajmëroni rreth vështirësive.
- Pyetini: “A dëshiron t’i besosh Krishtit, apo do të presësh?”
- Nxiteni fëmijën që të lutet me zë, nëse është gati.

### Flisni rreth sigurisë së shpëtimit

- Kthehuni tek vargu Biblik që keni përdorur.
- Flisni rreth një jete të ndryshuar.
- Thuaji atij se çfarë duhet të dijë personi që beson me të vërtetë te Krishti.

### Jepni (më vonë) disa këshilla rreth jetës së Krishterë

- Lexojeni dhe binduni Biblës suaj.
- Flisni me Perëndinë, Atin tonë Qiellor.
- Tregojuni të tjerëve se çfarë ka bërë Zoti për ju.
- I kërkoni Perëndisë që t’ju falë kur mëkatoni.
- Takohuni me të Krishterë të tjerë.
- Kujtoni premtimin e Zotit: “Nuk do të të lë” (Hebrenjve 13:5).